

# **Naalakkersuinikkut sulinermut aningaasatigut tapiissuteqartarneq pillugu Inatsisartut inatsisaata allanngortinneqarneranik Inatsisartut inatsisaat (Tapiissutininik pissarsisut naatsorsuutininik kukkunersiukkanik nassiussinissaannut tunniussivissatut piffissaliussaq)**

## **§ 1**

Naalakkersuinikkut sulinermut aningaasatigut tapiissuteqartarneq pillugu Inatsisartut inatsisaanninr. 1, 31. maj 2001-imeersumi ima allanngortitsisoqassaaq:

1. § 9, imm. 2, ima oqaasertalerneqassaaq:

"Imm. 2. §§-it 2 - 4 malillugit tapiissutininik tiguisartut ukiut tamaasa qinnuteqarnerminnut ilanngullugu Inatsisartut Siulittaasoqarfiannut uppersarsarlugu nalunaarutigisassavaat qaammatsiutit ukiuanni qaangiuttumi tapiissutit naalakkersuinikkut sulinermut ilumut atorineqarsimasut, kiisalu tamanna ingerlateqqinneqassamaartoq. Aammattaaq ukiut tamaasa kingusinnerpaamik 30. juni ukiumut siulianut naatsorsuutininik kukkunersiukkanik Inatsisartut Siulittaasoqarfiannut nassiussisoqartassaaq. Tapiissuteqarnissamik qinnuteqaat Inatsisartut Siulittaasoqarfiannit suliarineqareerpat naatsorsuutillu kukkunersiukkat nassiunneqareerpata tapiissutit affaat tunniunneqassapput. Ukiumut siulianut naatsorsuutit kukkunersiukkat nassiunneqareerpata tapiissutit affaasa arlaat tunniunneqassapput. Taamatut uppersarsaalluni nalunaarut naatsorsuutillu kukkunersiukkat nassiunneqanngippata tapiissutininik tunniukkumaakkat kinguartinneqassasut atuukkunnaassasulluunniit Inatsisartut Siulittaasoqarfiata aalajangersinnaavaa."

## **§ 2**

Allannguutit ulloq 31. december 2003-mi atortuutilerput.

*Namminersornerullutik Oqartussat, ulloq 15. april 2003.*

/

Kaj Kleist

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut